

Վարչական տույժ նշանակելու մասին

«18» մայիսի 2021թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «Սպարտ» ՍՊ ընկերության աշխատակից Սամվել Եղիշեի Կասյանի (նույն. քարտը՝ 009409533, ք. Երևան, Ռուբինյանց 23/1, քն. 48) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Սամվել Եղիշեի Կասյանը «Սպարտ» ՍՊԸ-ի անվամբ թիվ 05100040/280421/0001543 ապրանքների հայտարարագրի 18-րդ և 21-րդ սյունակներում 2-րդ տրանսպորտային միջոցի կցորդի պետհամարանիշը չի նշել: Վերոնշյալ ոչ ճշգրիտ տեղեկությունը ներկայացնելու արդյունքում մաքսային վճարներ չեն առաջացել:

Նշված փաստի առթիվ ՀՀ ՊԵԿ ՀՄՎ ՄԳ քաժնի ավագ մաքսային տեսուչի կողմից 28.04.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը:

Սամվել Եղիշեի Կասյանը փոստով պատշաճ ծանուցվել է գործի քննության վայրի և ժամի մասին, չի ապահովել է իր մասնակցությունը գործի քննությանը, գրավոր որևէ քաջատրություն կամ դիրքորոշում չի ներկայացրել:

ԵՏՄ Մաքսային օրենսգրքի 106-րդ հոդվածի 3-րդ կետի համաձայն՝ ապրանքների հայտարարագրում պետք է նշվի միջազգային փոխադրումներ իրականացնող տրանսպորտային միջոցների, ինչպես նաև այն տրանսպորտային միջոցների մասին, որոնցով ապրանքները տեղափոխվել են (տեղափոխվելու են) Միության մաքսային տարածքով:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/280421/0001543 ապրանքների հայտարարագրի 18-րդ և 21-րդ սյունակներում ներկայացվել է ոչ ճշգրիտ տեղեկություն, որն էլ հանգեցրել է ՀՀ մաքսային օրենսգրքի 203-

րդ հոդվածի 1-ին մասով սահմանված մաքսային կանոնների խախտման: Ընդ որում, կատարվածի արդյունքում չի առաջացել մաքսային վճարների պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

ՈՐՈՇԵՑԻ

1. Սամվել Եղիշեի Կասյանին ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **50000 ՀՀ դրամ**:

2. Որոշման մասին հայտնել Սամվել Եղիշեի Կասյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 50000 ՀՀ դրամ, նշել 30 կողո:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐՉՈՅԱՆ